

Vrste aktivnosti praćenja koje se planiraju provoditi

Svaki ugovor o dodjeli sredstava sa pozicije Kabineta premijera sadrži odredbe kojima se utvrđuje obaveza korisnika sredstava da dostavi narativni i finansijski izvještaj o namjenskom trošku sredstava doznačenih iz Budžeta, najkasnije u roku od 15 dana od realizacije projekta ili aktivnosti. Izvještaj mora sadržavati i ovjeren popis svih troškova, te dokaze o osnovu troška dodijeljenih sredstava. Kroz analizu i evaluaciju dostavljenih izvještaja Kabinet će pratiti utrošak dodijeljenih sredstava, odnosno realizaciju projekata, programa i aktivnosti.

Kabinet će provoditi obavezne terenske posjete korisnika čija je ukupna izloženost riziku utvrđena kao visoka, o čemu će se sačiniti izvještaj.

Kabinet će prilikom dodjele sredstava obratiti pažnju na eventualne rizike realizacije. Ukoliko su rizici visoki, te bi troškovi kontrole utroška sredstava (angažovanje i realizacija terenske posjete) premašivali iznos dodijeljenih sredstava, odnosno ne bi bili opravdani i srazmjerni, takvim projektima, programima i aktivnostima sredstva neće biti dodijeljena.

Kabinet će voditi evidenciju dodijeljenih sredstava na osnovu Programa utroška i kroz plan praćenja.

Mjere za sprečavanje nepravilnosti i sukob interesa

Kabinet će definisati internim aktima, a u skladu sa zakonskim propisima, mjere za sprečavanje nepravilnosti i sukoba interesa u svim fazama provođenja i dodjele sredstava.

U slučajevima pojave nepravilnosti i utvrđenog nenamjenskog trošenja budžetskih sredstava, Kabinet će aktivirati mehanizme povrata sredstava prema odredbama ugovora o dodjeli sredstava, kao i putem izvještavanja, te uključivanja nadležnih institucija u cilju ukazivanja i sprečavanja štetnih posljedica.

III

Za realizaciju ove odluke zadužuju se Kabinet premijera Kantona Sarajevo i Ministarstvo finansija Kantona Sarajevo, svako u okviru svoje nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-29617-9/24

23. maja 2024. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 10. stav (3) Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 55/23), člana 3. i 4. stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 14/24), Vlada Kantona Sarajevo, na 25. sjednici održanoj 23.05.2024. godine, donijela je

ODLUKU**O ODOBRAVANJU IZDVAJANJA SREDSTAVA IZ
TEKUĆE REZERVE BUDŽETA KANTONA SARAJEVO
ZA 2024. GODINU ZA KABINET PREMIJERA**

I

Iz Budžeta Kantona Sarajevo za 2024. godinu ("Službene novine Kantona Sarajevo", broj 55/23), sa ekonomskog koda 600000 - Tekuća rezerva, odobrava se izdvajanje sredstava u iznosu od 50.000,00 KM na razdjel 11, glava 01, potrošačka

jedinica 0001 - Kabinet premijera na ekonomski kod 614300 - BAN037 - Tekući transferi neprofitnim organizacijama.

II

Za realizaciju ove odluke zadužuju se Ministarstvo finansija Kantona Sarajevo i Kabinet premijera Kantona Sarajevo, svako u okviru svoje nadležnosti.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-29617-10/24

23. maja 2024. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 19. stav (1) alineja 3), 21. stav (4) i (5), 22, 23., član 30. stav (1) i (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07, 24/09, 44/10 i 30/16) i Poglavlja II tačka 3 i 4. Procedura zaduživanja Kantona Sarajevo na osnovu vanjskog i unutrašnjeg duga i izdavanja garancija ("Službene novine Kantona Sarajevo", broj 10/11 i 07/19), i tačka 2. i 4. Zaključka Vlade Kantona Sarajevo broj 02-04-6110-43/24 od 29.02.2024. godine, Vlada Kantona Sarajevo, na 25. sjednici održanoj 23.05.2024. godine, donijela je

ODLUKU**O DUGOROČNOM KREDITNOM ZADUŽENJU
KANTONA SARAJEVO KOD RAZVOJNE BANKE
FEDERACIJE BOSNE I HERCEGOVINE**

I

Kanton Sarajevo (u daljem tekstu: Kanton) zadužuje se dugoročnim kreditom kod Razvojne banke Federacije Bosne i Hercegovine (u daljem tekstu: Banka) u iznosu do 1.800.000 KM, u formi direktnog unutrašnjeg duga.

II

Kreditna sredstva iz tačke I ove odluke namijenjena su za finansiranje sljedećeg kapitalnog projekta, a prema članu 4. Budžeta Kantona Sarajevo za 2024. godinu ("Službene novine Kantona Sarajevo", broj 55/23):

| Subanalitika | Opis | Iznos (KM) |
|---------------|---|------------------|
| | Ministarstvo unutrašnjih poslova Kantona Sarajevo – Uprava policije | |
| HBX001 | Nabavka opreme | 1.800.000 |
| UKUPNO | | 1.800.000 |

III

Kreditna sredstva Banka odobrava pod sljedećim uslovima:

| | |
|------------------------|--|
| - ukupan iznos kredita | do 1.800.000 KM, |
| - rok otplate | do 12 godina, |
| - grace period | do 12 mjeseci (uključen u rok otplate), |
| - kamatna stopa | 2,90% fiksno, na godišnjem nivou, |
| - provizija Banke | 0,30% jednokratno od iznosa odobrenog kredita. |

IV

Zaduženje se vrši uz poštivanje odredbi člana 7. Zakona o dugu, zaduživanju i garancijama u Federaciji Bosne i Hercegovine i u okviru ograničenja duga utvrđenog Zakonom o izvršavanju Budžeta Kantona Sarajevo za 2024. godinu.

V

Ovlašćuje se Ministar finansija Kantona Sarajevo da, u ime Kantona, potpiše Ugovor o kreditu, između Kantona i Banke, kao i instrumente osiguranja kredita koji proizilaze iz ugovora.

VI

Sredstva za servisiranje kredita iz tačke I ove odluke, obezbjedit će se u budžetima Kantona svake godine, za cijeli period trajanja obaveze.

VII

Kanton će izdati bjanko ovjerene i potpisane mjenice sa ovlaštenjem za popunu kao instrument obezbjeđenja kredita, a u skladu sa ugovorom iz tačke V ove odluke.

VIII

Tehnički dio projekta koji će se finansirati iz ovog kredita realizovat će Ministarstvo unutrašnjih poslova Kantona Sarajevo - Uprava policije.

IX

Za implementaciju projekta i praćenje realizacije ove odluke zadužuju se Ministarstvo unutrašnjih poslova Kantona Sarajevo - Uprava policije i Ministarstvo finansija Kantona Sarajevo, svako u okviru svoje nadležnosti, sa obavezom polugodišnjeg izvještavanja Vlade i Skupštine Kantona Sarajevo o realizaciji kredita.

X

Ministar finansija Kantona će Vladi Kantona dostaviti izvještaj o nastaloj obavezi najkasnije u roku od 30 dana od dana zaduženja.

XI

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-29617-11/24
23. maja 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 25. sjednici održanoj 23.05.2024. godine, donijela je

ODLUKU

O DAVANJU SAGLASNOSTI MINISTARSTVU ZA BORAČKA PITANJA KANTONA SARAJEVO ZA USMJERAVANJE SREDSTAVA KAO POMOĆ MINISTARSTVU ZA BORAČKA PITANJA BOSANSKO - PODRINJSKOG KANTONA GORAŽDE U REALIZACIJI PROGRAMA OBILJEŽAVANJA ZNAČAJNIH DOGAĐAJA I DATUMA IZ ODBRAMBENO-OSLOBODILAČKOG RATA 1992. - 1995. GODINA VAN KANTONA SARAJEVO

I

Daje se saglasnost Ministarstvu za boračka pitanja Kantona Sarajevo za usmjeravanje sredstava u iznosu od 15.000,00 KM kao pomoć Ministarstvu za boračka pitanja Bosansko - podrinjskog kantona Goražde u realizaciji programa obilježavanja značajnih događaja i datuma iz odbrambeno-oslobodilačkog rata 1992. - 1995. godina van Kantona Sarajevo, kako slijedi:

| Naziv podnosioca zahtjeva/ nosioca aktivnosti | Program | Iznos za sufinansiranje |
|--|---|-------------------------|
| Ministarstvo za boračka pitanja Bosansko - podrinjskog kantona Goražde | Program obilježavanja značajnih događaja i datuma iz odbrambeno - oslobodilačkog rata 1992 -1995. godina na prostoru Bosansko - podrinjskog kantona Goražde | 15.000,00 KM |

II

Sredstva iz tačke I ove odluke terete budžetsku poziciju Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300 DAN029 "Tekući transferi drugim nivoima vlasti i fondovima za očuvanje tekovina OOR 92-95 i NOR 41-45" (Program DAN0291) i doznačit će se na račun Bosansko-podrinjskog kantona Goražde, uz potpisivanje odgovarajućeg sporazuma.

III

Za realizaciju ove odluke zadužuju se Ministarstvo za boračka pitanja Kantona Sarajevo, Ministarstvo finansija Kantona Sarajevo i Ministarstvo za boračka pitanja Bosansko - podrinjskog Kantona Goražde, svako u okviru svoje nadležnosti.

IV

Ova odluka stupa na snagu narednog dana od dana objave u "Službenim novinama Kantona Sarajevo".

Broj 02-04-29617-12/24
23. maja 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 32. i 106. stav (6) Zakona o visokom obrazovanju ("Službene novine Kantona Sarajevo", broj 36/22), Vlada Kantona Sarajevo, na 25. sjednici održanoj 23.05.2024. godine, donijela je

ODLUKU

O BROJU I STRUKTURI STUDENATA ZA UPIS U PRVU GODINU PRVOG I DRUGOG CIKLUSA STUDIJA I INTEGRISANOG STUDIJA NA UNIVERZITETU U SARAJEVU U AKADEMskoj 2024/2025. GODINI

I

Utvrđuje se broj i struktura studenata za upis u prvu godinu prvog i drugog ciklusa studija i integrisanog studija na Univerzitetu u Sarajevu u akademskoj 2024/2025. godini, u skladu sa Planom upisa studenata, koji je sastavni dio ove odluke.

II

Zadužuje se Ministarstvo za nauku, visoko obrazovanje i mlade Kantona Sarajevo da prati realizaciju konkursa za upis studenata u prvu godinu prvog i drugog ciklusa studija i integrisanog studija na Univerzitetu u Sarajevu u akademskoj 2024/2025. godini, koji će objaviti Univerzitet u Sarajevu u skladu sa Zakonom o visokom obrazovanju.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-29617-13/24
23. maja 2024. godine
Sarajevo

Premijer
Nihad Uk, s. r.